

Evening Dogri News Bulletin,

21 April. 2025 18:15 Hrs

Headlines

- प्रधानमंत्री नरेंद्र मोदी होरें आखेआ ऐ जे भारत शासन ते नवाचार च नमें मानक स्थापित करियै असरदार परिवर्तन दिक्खा करदा ऐ।
- मुखमंत्री उमर अब्दुल्ला होरें आखेआ जे रामबन च किश थाहरें हालात बडे माडे न, राहत ते बचाऽ कम्म युद्ध स्तर पर जारी।
- डी.सी रामबन नै जानकारी दिक्ती ऐ जे राश्ट्री जरनैली शिडकै गी परतियै खोलने लेई 2 दिनें तगर दा समा लग्गी सकदा ऐ। कल संझा तोड़ी गड्डियें दी इक्क बक्खी दा आओजाई बहाल करने लेई जत्त जारी न।
- सेहत मंत्री सकीना इत्तू होरें सरकारी मेडिकल कॉलेज अस्पताल राजौरी दा चानचक्क दौरा लाया ते सेहत सरबंधी स्थूलतें दा जायजा लैता।
- मौसम विभाग नै जम्मू-कश्मीर च कल्लै थमां मौसम दे खुशक रौहने दी पेशगाई कीती ऐ।

<><><><><><>

PM-CSD

प्रधानमंत्री नरेंद्र मोदी होरें आखेआ जे पिछले 10 बरें च भारत नै बाहे आहले बदलाव थवां अगे बदिऐ असरदार परिवर्तन दिक्खेआ ऐ की जे सरकार मुल्ले च समग्र विकास यकीनी करा करदी ऐ। उनें एहू गल्ल नमीं दिल्ली दे विज्ञान भवन च आयोजित 17में सिविल सेवा दिवस दे मौके पर कार्यक्रम गी संबोधित करदे होई आक्खी। प्रधानमंत्री होरें आखेआ जे 21 अप्रैल 1947 गी सरदार वल्लभभाई पटेल होरें भारतीय प्रशासनिक सेवा दे अधिकारिणं गी भारत दा स्टील फ्रेम यानि कि भारत दा फौलादी ढांचा करार दिक्ता। उनें आखेआ

प्रधानमंत्री होरें मुख दे युवाएं, करसानें ते महिलाएं दी आसें-मेदें गी पूरा करने आस्तै असाधारण रफतार दी जरूरता दा जिक्र करदे होई आखेआ जे उन्दे सुखने अभूतपूर्व उच्चाइएं तगर पुज्जा रदे'न।

<><><><><><>

CM-Ramban

मुखमंत्री उमर अब्दुल्ला होरें आखेआ ऐ जे जम्मू दे रामबन जिले च बहल फट्अने ते ल्हास पस्सियं पौने करी शिडक दी हालत खास करी राश्ट्रीय जरनैली शिडक दी हालत बड़ी खराब ऐ। चानचक्क आए दे हाड करी त्रै लोक मारे गे, कई सारे घर, गड्डिएं गी नुकसान पुज्जा। उनें भरोसा दोआया जे राश्ट्रीय जरनैली शिडक गी बहाल करने दा कम्म युद्ध स्तर पर जारी ऐ। उनें आखेआ।

<><><><><><>

NHW-Restoration

जम्मू-श्रीनगर राश्ट्रीय जरनैली शिडक एन.एच-44 जेहड़ी रामबन जिले च पिछले दिनें च बक्ख-बक्ख थाहरें पर हाड आने करी ल्हास-पस्सियां पौने करी बंद होई गेदी ऐ, इसी पूरी चाल्ली साफ करने ते खोलने लेई 2 दिनें तगर दा समां लग्गी सकदा ऐ। आकाशवाणी दे जम्मू संवाददाता नै जानकारी दिती ऐ जे रामबन दे डिप्टी कमिशनर बसीर उल हक चौधरी होरें आखेआ जे कल संझा जां फी परसों बडुलै तगर गड्डियें दी इक बक्खी दा आओजाई बहाल करने लेई लगातार जत्त जारी ना। डी.सी होरें एहू बी जानकारी दिती जे जरनैली शिडक पर कोई बी गड्डी इस्सलै नेई फसी दी ऐ। एहूदे शा पैहले कोई 140 गड्डियां बत्तै फंसी दियां हियां, पर उनेंगी सावधानी कन्नै बनिहाल आहली बक्खी टोरी दिता गेआ ऐ तां जे यात्रुएं ते उन्दे परोआर आहलें गी कोई परेशानी नेई झल्लनी पवै। रामबन च जगह-जगह ल्हास पस्सियां ते कुप्पड पौने करी ते हाड औने करी राश्ट्रीय जरनैलीद शिडक कल्लै थमां गै बंद रक्खी गेदी ऐ। इस बारै होर मती जानकारी देआ'रदे न, डी.सी रामबन।

<><><><><><>

Ramban-Rescue

बदल फटने ते पस्सियां पौने करी प्रभावत रामबन जिले च राहत ते बचाह कारवाई अज्ज बडलै परतियै शुरू करी दित्ती गेदी ऐ। भारी बरखा, तूफान, ऐन गडा ते चानचक्क आए दे हाडें करी रामबन जिले च बड़ी मती तबाही मची ते बड्डे पैमाने पर नुक्सान होआ ऐ। त्रऊं न्याणें सनें त्रै जनें दी मौत होई गेई ऐ जिसलै दे सैंकडा बड्डे लोकें गी सुरक्षत बचाई बी लैता गेआ ऐ। जिला विकास कमीशनर बसील-उल-हक चौधरी हुंदी अगुवाई च जिला प्रशासन हालात पर नेडमी तक्क रखै करदा ऐ जिसलै जे पुलस, फौज, एस.डी.आर.एफ., एन.डी.आर.एफ. ते तुरत कारवाई आलिये टीमें दे इलावा केई गैर सरकारी संगठन बी बचाह कारवाई च रूज्जे दे ना। तोआई रामबन जिले च केई थाहें ल्हास-पस्सियां ते कुप्पड पौने करी, जम्मू-श्रीनगर राश्ट्री जरनैली सिडक एनएच-44 अजें बी गड्डिये दी आओजाई लेई बंद ऐ। राश्ट्री जरनैली सिडके सरबन्धी भारती प्राधिकरण दे अधिकारिये आखेआ ऐ जे सिडके गी ब्हाल करने च घट्टोघट्ट इक हफतें दा समें होर लग्गी सकदा ऐ। तोआई खराब मौसम दे मद्देनजर प्हाडी जिले रामबन ते डोडा च अज्ज एहतियात दे तौर उप्पर सब्भनें सरकारी ते निजी स्कूलें सने होरनें दुए शिक्षा इदारे गी बी बंद रक्खेआ गेदा ऐ।

<><><><><><>

CUJ-Workshop

जम्मू केंद्र विध्वविद्यालय दे Molecular Biology केंद्र आसेआ Molecular Biology Tolls ते Genome Editing दे सरबन्धै च 3 दिनें दे इक सिखलाई कार्यशाला दा सरिस्ता कीता गेआ जेदे च माहिरें आसेआ विद्यार्थिये ते शोधकर्ताएं गी इस खेत्तर बारे जानकारी सांझी कीती। इस कार्यशाला दी शुरूआत उद्घाटनी सत्र कन्नै होई जेदे च यूनिवर्सिटी दे Registrar Prof. यशवंत होरें मुख परौहने दे तौर पर शिरकत कीती।

<><><><><><>

Sakina GMC Rajouri

जमीनी सतह उप्पर सेहत दिक्खभाल आली सहूलतें दा जायजा लैने दी इक महत्वपूर्ण गैह दे तैहत सेहत मंत्री सकीना इत्तू होरें जंदी रातीं सरकारी मैडिकल कालेज अस्पताल राजौरी दा चानचक्क दौरा लाया। इस दरान उनें मैडिकल अमले ते मरीजे कन्नै गल्लबात करिये उंदे मसलें ते चैंताएं गी सुनेआ। मंत्री होरें उनें गी इस गल्ला दा जकीन दोआया जे सरकार मरीजे गी मय!यारी सेहत सूहलतां दस्तेयाब करोआने लेई वचनबद्ध ऐ। मंत्री होरें

प्रदेश दे केई सारे अस्पतालें च डाक्टरें ते ढांचागत सुविधाएं दी कमी दी गल्ल स्वीकार करदे होई एहू जकीन दोआया जे इनें मसलें गी हल करने ते सब्बने स्तरें पर सेहत ढांचे गी तगड़ा बनाने लेई पक्क गै ठोस गैंहियां पुट्टियां जागंन।

<><><><><><>

Slogan Writing

रचनात्मक लेखन ते शिड़क सुरक्षा प्रति जागरूकता पैदा करने दे मकसद कन्नै जम्मू-कश्मीर ट्रांसपोर्ट मैहकमे आसेआ अज्जै थवां शिड़क सुरक्षा बारै स्लोगन लिखने आहली प्रतियोगिता शुरू होई। एहू प्रतियोगिता 31 मई 2025 गी सम्पन्न होग। ट्रांसपोर्ट आयुक्त विशेष पाल महाजन होरें सारें'गी इस प्रतियोगिता च हिस्सा लैने लेई साद्दा दित्ता ऐ। अपने इक सोशल मीडिया दी पोस्ट च ट्रांसपोर्ट कमिशनर होरें आखेआ।

<><><><><><>

Poonch MDP

पुंछ जिले च उद्यमिता सरबंधी विकास गी बढावा देने लेई इक महत्वपूर्ण पैहलकदमी च जम्मू-कश्मीर उद्यमिता विकास संस्थान जे.के.ई.डी.आई आसेआ एम.एस.एम.ई लेई इक हफ्ते दे प्रबंधन विकास कार्यक्रम दा सरिस्ता कीता गेदा ऐ। इस सिखलाई कार्यक्रम च जिले थमां कुल 20 उद्यमी हिस्सा लै'रदे न जेदे च कारोबार प्रबंधन दे मुख् पैहलुएं पर ध्यान केंद्रित कीता जा'रदा ऐ जेदे च माली साक्षरता, मार्केटिंग, रणनीति, डिजिटल उपकरण वगैरा शामिल ना। इस मौके पर आकाशवाणी समाचार कन्नै गल्ल करदे होई एडीसी पुंछ ताहिर मुस्तफा मलिक होरें आखेआ।

<><><><><><>

Weather

मौसम विभाग नै अज्ज आस्तै बी आम तौर पर मौसम बदलोखड़ा रौहने दी पेशगोई कीती ऐ। आकाशवाणी जम्मू संवाददाता दी रिपोर्ट मूजब मौसम विभाग नै हल्की बरखा, बिजली चमकने, अंधी झक्खड़ झुल्लने दी पेशगोई कीती दी ऐ। एहू अनुमान कश्मीर ते जम्मू खित्ते दी किश थाहरें लेई जारी कीता गेआ। कल्लै थवां 23 अप्रैल तगर

मौसम खुशक रौहने दे असार ना 24 अप्रैल दपैहरी मगरा बिजली चमकने, अंधी झक्खड़ झुल्लने ते ऐन गडा पौने
दी संभावना बी जताई गई ऐ।

<><><><><><>